

# KUJALLEQ

## SIUMUT INGERLASOQ



KOMMUNIMUT QINERSINEQ 2025





# SIUMUT INGERLAQQISSAAGUT

Nunarput ukiuni sisamani tulliuuttuni politikikkut aqutsisussanik qinersisussanngorpoq. Qinersinerup inernera apeqqutaalluni tamatta siunissarput titartarneqartussaavoq. Una saqqummersitaq atorlugu, sunik pingaartitaqarluni anguniagaqarlunilu Siumut inissisimansoq atuarsinnaavat. Siumut ineriartornissarput atugarissaarnerulernissarpullu pillugit pisarnermisut Inuiaat Kalaallit salliutillugit sulinerminik nangitsissaaq.

Quppersakkami Siumup tunngaviusumik pingaartitai suunersut paasissavatit, taakkulu tunngavigalugit atukkatigut naligiinnerulernissamik, kulturitta pingaartinneranut, inuiaqatigiittut ineriartoqqinnissatsinnut namminiussuseqarnitsinnullu Siumut suliaminik nangitsilersoq paasissavat.

Nunarsuaq allanngorartoq ilisimaaralugu inuiaqatigiittut ataatsimoorluta aqut tigummissavarput. Siumut tassaajuassaaq inuiaqatigiinnik nukitunerulersitsisoq aamma kalaallit tamatta periarfissaqarluarnissatsinnik siuarsaajuartoq.

Kommunimut qinersineq tassaannaangilaq politikikkut siuttussanik toqqaaneq; assinganik pingaartigaaq inuiattut ataasiussuseqarnitsinnik pingaartitsillunilu takutitsinissaq aamma takorluukkatsinnik piviusunngortitsissalluni piginnaaneqarneq. Kajumissaarpatsigit peqataaqqullutit, anguniakkallu ilusilersueqataaffigalugit.

Tamatta pineqarpugut, aamma illit. Ataatsimut SIUMUT ingerlasa, aalajangeriataallaqqissuseqarluta erseqqissunillu anguniagaqarluta.

**Ukiuni tulliuuttuni suliniutiginiakkavut tamaasa uani inissaqartinngilagut. Taamaattumik qineqqusaartut ataasiakkaat qineqqusaarutaat ilanngullugit maluginiarigit. Suut allat sulissutiginiarnerivut pillugit qaqugukkulluunniit attaveqarsinnaavutit, una atorlugu:**  
**[angerdlakielsenolsen@gmail.com](mailto:angerdlakielsenolsen@gmail.com).**

**Angerdla Kielsen Olsen**

*Siulittaasoq*

*Ataatsimut Siulersuisut, Kujalleq*



# TAMATTA ATORFISSAQARPUGUT

**Siumup sulissutigissavaa, inoqarfinni tamani** inuit ornittagaat atorluarlugit peqatigiinnermik ikorfartueqataaneq, soorlu timersornermik ingerlatsisut, peqatigiiffilerisut, pilersitsisartut, kulturilerisut, eqqumiitsuliortut, nipilersortartut allallu inooqatigiinnitsinnut nukittorsaasut erseqqissumik tapersornerisigut.

**Inuunerissaarneq tamatsinnut pingaaruteqarpoq.** Innuttaasut tamatta pisussaaffigaarput inoqatitta peqqinnartumik inuunissaannut aqutissiuusseqataassalluta. Tamatta, minnerunngitsumillu ilaqtariit, meeqqat aamma inuusuttut kommunitsinni periarfissaqarluarnissaat salliutinneqassaaq.

**Inissiat amigaataanerat qaangerneqassaaq.** Tamatta najugassaqaarnissarput SIUMUT ingerlanissatsinnut pingaaruteqarpoq. Minnerunngitsumik meeqqeriviit naammattut angajoqqaanut periarfissiissutiginnissaat pingaaruteqartuuvoq ilanngullugu naammassineqartussaq. Aammalu pitsaasuussasut.

**Meeqqat angerlarsimaffiup avataanut** inissinneqartartut ikilisarneqassapput. Siumup sulissutigissavaa ilaqtariit avissaartinnagit ataatsimoorluni ikiorserneqarfiusinnaasumik sakkussanillu aallerfiusinnaasunik pilersitsinissaq. Siumup pingaartitaraa ilaqtariit nukittuut peqqissullu ikorfartussallugit.

**Innarluutillit pillugit erseqqissumik** immikkoortitsinngitsumillu Kujalleq anguniagaqassaaq, peqataatitsisumik ikiortariallit ikiornerisigut aamma sapinggitsut namminerisamik angerlarsimaffeqarnissaat ilanngullugu.

**Meeqqat atuarfii meeqqanut** ornikkuminartuussapput, pisariaqartitaanik sumiiffigiuminartumik aaqqissuuneqarsimasut. Nunaqarfinniit savaateqarfinnillu Skolehjemmeriat aamma pitsaasumik inissaqartinneqassapput.

**Kommuni innuttaasunut kiffartuussissaaq** ornikkuminartoq, innuttaasut kiffartuunneqarnissaminnut pisariaqartitaat malillugu aaqqissuuneqarsimasooq. Inuunikkut unamminartut pillugit saaffiginniffissaqarnissaq ilanngullugu aqutissiuunneqassaaq.

**Kommunerput ineriartoqqissaaq,** tamatumanilu suliffeqarfiit amerlanerusut pisariaqartinneqarput aamma aalisarnek ullumikkornit annertunerusumik ineriartortinneqarsinnaasooq Siumup qularutiginnigilaa. Politikikkut siuttut inuussutissarsiortut suleqatigalugit erseqqissumik anguniagaqarlutik aporfilersuinatillu siuarsaaqataassapput.

## ATTAVEQAASERSUUTSITIGUT ATORTULERSUUTIT PISARIAQARTUT NAAMMASSINEQASSAPPUT; INERIARTOQQISSAGATTA


**Qaqortumi mittarfik** piffissaagallartillugu tallilernerqarnissaa qulakkeerniarlugu Siumut sulissaaq.

**Nanortalimmi siorartikkamik** mittarfiliornissaa avaqqunneqarsinnaanngilaq, naammasineqaqqullugulu Siumut sulissaaq.

**Narsaq ikaartaat atorlugu** mittarfimmut Qaqortumullu pisariitsumik attaveqalerniassamat, Qaqortumi mittarfiup akianiit Nuupilummut aqqusinniornissaaq naammasineqassaaq,

**Inoqarfiit akornanni aqquserngit** ukiorpassuarni ineriartortinneqarsimapput, pingaartumik savaatillit suliniuteqarluarnerisigut. Taakku nangillugit sukkanerusumik imminnut attaveqalernissaat anguneqassaaq.

Tamakku aqqutigalugit nunamik atuisinnaanerput annertuumik alloriarfigineqassaaq, siunissami aningaasarsiornitsinnut iluaqutaalersussat.



# Kujallermi siumup qineqqusaartitai piukkunnarluartut ukuupput



Poul Erik Petersen



Paninguaq Johansen-Thomsen



Pålø Kùitse



Nikku Olsen



Nielsine Petersen



Maaliaaraq Nielsen



Masauna Holm Petersen



Martin Egede



Malik Frederiksen



Kim Ezekiasen



Kelly Berthelsen



Karla Bisgaard



Jakob Noahsen



Gertrud Geisler



Christian Egede



Aputsiaq Egede



Angerdla Kielsen Olsen



Anders Olsen

# PILERSIKKUMALLUGIT...

## SIUMUP TUNNGAVIUSUMIK PINGAARTITAI QULIT

Siumup tunngaviusumik pingaartitalugit siunertai qulit tassaapput ulluinnarni anguniakkat saniatigut allanngujaallutik Siumup toqqammaviguarsimasai. Siumup anguniagai tamakkiissut uani nanineqarsinnaapput:

<https://siumut.gl/anguniakkavut/>



# Inuussutissarsiortut inuillu

## Ukiuni tulluuttuni tamatta periarfissaqarluarluta ineriartussaagut

### Inuusuttut sulinatillu ilinniנגitsut

immikkut eqqumaffigineqarlutillu ingerlariaqqinnissaanut aqqutissiunneqassasut Siumut isumaqarpoq. Taamaattumik kommunitisinni taakku ingerlariaqqinnissaat sulissutigineqassaaq, sapinngisamik amerlanerpaat pitsaasumik inuuneqalernissaat pingaaruteqarmat.

### Inuussutissarsiortut uagullu tamatta

peqatigiilluta ineriartoqatigiinnissarput pingaaruteqarpoq. Assersuutigalugu Siumup qularutiginnilaq, siunissami qaninnermi Kujallermi takornarialerineq inuussutissarsiutinngussasoq pingaaruteqariartuinnartussaagut, soorlu aamma aatsitassarsiorneq taamak inissisimasoq.

Taamaattumik uagut **innuttaasut piareersarluarsimanissarput** kommunip aamma soqutigissaraa, taannalu ineriartorneq kommunip erseqqissumik tapersorsorlugulu siuarsassavaa.



### Kommunerujussuit

Kommunerujussuarnik naleqqussaaqqinnissaq innuttaasut amerlanerussuteqartut piumasarippassuk, tamanna **Siumup suleqataaffigissavaa**. Ullumikkut ilisimavarput Avannaata Kommunian agguuloqqinniarluni aalajangersimasoq, Maniitsoq Sisimiullu akunnerminni oqaloqatigiittut aamma **Nanortalimmi innuttaasut** namminiussuseqarnerullutik ingerlatsilernissaminnik kissaateqartut.

Nunatsinni sumiluunniit najugaqaralarutta pitsaasunik kiffartuunneqarlutalu atugaqassaagut.

Taamaamat sumiiffinni allatut aqqissuussisoqarnissaa kissaatigineqarpat, Siumut suleqataassalluni piareersimavoq. Siumullu isumaqarpoq, suliaq taanna qinigaaffiup tulluuttup iluani naammassillugu suliarineqartariaqartoq.



## SUMIIFFIMMI OQARTUSSAANERPUT AAQQISSUUSSINISSARLU UAGUT ILUSILERSUSSAVARPUT, PISARIAQARTITAVUT TUNNGAVIGALUGIT



Isumaginnermi ikiuineq Nuummut eqiternagu illoqarfinni pisariaqartitsivinni ingerlanneqassaaq.

Inuiaqatigiit akisussaaffimmik arsaartornagit, inuk tatigalugu suleqatigalugulu sulissaagut.

Pisortat ingerlataanni sulisut akileraarutaat agguaqatigiilluta pigissavavut.

Piitsuussuseq isumaginninnikkut ajornartorsiuterpassuarnut pissutaavoq, inuussutissarsiutit aalaakaasumik isaatitsiviusinnaasut, aamma aatsitassarsiorneq, aallunneqarnerussapput.

